

榮縣志

社祀第十一

孔子廟在城北蓮宇山。唐建桂林山。宋乾德三年移近南門。紹興十三年知州孟某遷今所。元末兵燬。明初仍建桂林山。天順元年舉人龔匯請復今處。以三年興工。四年成明倫堂居仁由義齋。成化四年成大成殿五間。五年作孔子四賢像。八年成東西廡。九年作十哲像。十一年按察使俞憲江陵戴賓。以工役未畢。命訓導陳源典史周志榮縣人趙昇袁景微董其事。委敘州經歷龔華治邑計資。十二年戟門櫺星門廚庫成。凡十八年始具。嘉靖中張璫議易木主。稱先師而成像不可毀。相傳

榮縣志

社祀第十一

一

塑頭容時。其土取之尼山。往返踰萬里。於虞敬矣。百五十年餘。廟燬。萬歷二十二年縣人給事中楊鎔知縣程梯士紳黃紀賢趙可師堯可近等修治之。明倫堂遷殿側。啓聖祠列左。名宦鄉賢祠列右。尋建堂下書樓。補砌兩廡。知縣馬應泰綜其成。教諭羅青訓導吳惟中黃莪日督之。主簿楊進忠於泮池前為屏。典史趙文臣修泮池石欄。知縣朱萬元重葺尊經閣。皆出自俸金。二十八年知縣樂繼國改建明倫堂啓聖宮兩廡。尋建奎星樓。在舊禮門文昌祠南三十四年尊經閣修復。崇禎八年殿傾牆圯。知縣楊崇忠教諭劉朝用改易棖棟。築牆八十六丈。劉



起鳴曹天相募治兩齋。一年竣工。明季之亂。廟事不治。康熙二十一年六月六日。廟圯。舉人劉世瑋以知縣荆喬蕃韓蓋光先後之力。於二十三年成大成殿。規制未備。三十六年。知縣陳大獻建戟門兩廡及名宦鄉賢祠。四十四年。知縣王澤修明倫堂。舊學署臨西街乾隆十二年。知縣徐德龍移明倫堂於廟右。奎星閣移櫺星門左。十九年。知縣黃大本捐俸三百餘金。舊觀始復。五十二年。知縣張兆星馬履中龔翼廣新之。凡費二千餘金。時池外有屏甚遠。屏外為聖門坊。坊外突出為複牆數十丈。東西建禮門義路二門。荆棘生焉。兩翼又為民居所扼。嘉慶十三年。知縣許源募金千餘。移聖門坊於泮池前旁。闢門出入。禮門義路二門亦上移於聖門坊前。左右障以雲龍石屏。如宮牆式。又繪孔子四子十哲像。泮池新大成殿戟門櫺星門。時稱煥然。道光十八年。以形家言。改癸丁為子午。接移崇聖門櫺星門奎星閣。十九年。移大成殿大成門東西廡及宮牆泮池甬道。凡費五千餘金。又於明倫堂建寢東西齋大門甬道。以次舉舉。光緒二十六年。知縣唐選皋修齋宿更衣所。三十年。置樂器。光緒末。西人標廟之右址。立教堂。廩生鍾星慶等爭之。乃移清富山孔子向。列中祀。宣統元年。升大祀。牆瓦



以黃。故事人入學捐銀二兩曰泮池費。匯爲灑掃會。購置田房。廟事資之。

社稷壇。縣西三里。雍正二年。刊圖頒行。累石爲壇。高二尺一寸。縱橫各二丈五尺。四出。陛各三級。繚以短垣。環蔭松栢。四面爲門。飾以丹堊。用石主埋土中。不鐫神號。唐宋制也。外置木主二。高二尺四寸。廣六寸。座高五寸五分。一書社神居東。一書稷神居西。從明制。同壇合祭。不設配位。歲以春秋仲月上戊日致祭。

神祇壇。城外西南。舊名山川壇。嘉慶十六年。奉文更正。製木主三。中曰風雲雷雨之神。左曰日本境山川之神。右曰榮縣志。社祀第十一。三。川文上。六十一。曰本境城隍之神。壇制與社稷同。祭亦同日。國變六年。沒其基。立蠶桑局。惟於社稷壇舉祭而已。

先農壇。東北二里虎洞下。雍正四年。詔直省立先農壇。六年。知縣陳容捐置藉田。七年。知縣王惟淳捐修屋三間。嘉慶中。知縣許源遵會典建廟三楹。立神主。爲夾室。覆瓦砌甃。堊之。繚以牆。前豎照壁。壇如雍正五年圖式。高三尺一寸。廣二丈五尺。主高二尺四寸。廣六寸。座高五寸。廣九寸五分。朱牌金字。祀神農氏。歲以仲春之亥。致祭。行耕藉禮。乾隆七年。頒粵祭禮。每歲孟夏擇日常。粵雨暘不時。卽粵於先農壇。



厲壇在北門外。嘉慶五年。知縣席世綸修牆垣柵門。已圯。古有國厲民厲。祭法王祭大厲。諸侯祭公厲。大夫祭族厲。國厲也。士喪禮。疾病禱於厲。民厲也。明洪武三年。定國厲郡厲邑厲。皆設壇城北。以清明及七月望十日朔。城隍主祭。清因其制。俗曰賞孤。

奎星閣二。一在城內文廟櫺星門東。萬歷三十二年建。乾隆中。鄧錫綸等移建於鳳鳴山麓。一在城外東山。光緒二年。知縣徐傳善建。劉炳勛有記。

關岳廟前關帝廟。國變二年。檄以岳武穆合祀。一曰武廟。在南街桂林街之間。明萬歷時進士鄖陽巡撫黃紀

榮縣志

社祀第十一

四

X. 016

賢捐建寢殿。康熙四十五年。知縣王澤新之。增東西廡。乾隆十九年。住持吳來應募建樂樓。嘉慶三年。知縣龔異縣人陳利賓募建騎街春秋閣。以關公好左氏傳也。有田二區。一在南關外楊家灣。一在西關外三清殿。國變七年。春秋閣圯賣。

城隍廟在東街。初在城西。明成化間移今地。隆慶三年。知縣張九思斥廣之。殿寢廊廡具備。乾隆十七年。知縣黃大本建前楹五間。五十三年。知縣張兆星改前楹爲拜庭。重建樂樓兩廡十王殿坊表。道光十四年。士民改修寢殿及左右房室。光緒十七年。知縣唐選皋改新樂



樓兩廡。按城隍者古坊與水庸之祀。隍卽池也。特無水之壕耳。門戶井竈。主此者其義狹。至城池則一方之灾祥繫之矣。而城隍之祠始見於孫吳之世。則以佛乘入中國。航海者先至吳。故吳中佛法尤昌。遂以地獄附之意。以在人而主此政刑者。城池之君也。在鬼而主此善惡者。城池之神也。近士或以城隍爲蟲蝗轉音。此自清時小學風習耳。至十王云者。據梵漢諸鈔亦各有本地。一不動。此明王現於冥途時名秦廣王。司死者初七日。二釋迦。此如來在冥界稱初江王。司二七。三文殊。此菩薩在冥途成宋帝王。司三七。四普賢。此菩薩在冥界現

榮縣志

社祀第十一

五

XIII. 5

五官王。司四七。五地藏。此菩薩在地獄現閻魔王。司五七。六彌勒。此菩薩現變成王。司六七。七藥師。此如來在冥途變泰山王。司七七。八觀音。此菩薩在冥途變平等王。司百日。九勢至。此菩薩變都市王。司周年。十阿彌陀。此如來在冥途變五道轉輪王。司三回忌。而世容不知。遂有生爲上柱國。死作閻羅王云者。

火神廟。一日離明宮。在和義街。初附關廟東北隅。無專祀。嘉慶九年。知縣許源罷油戶官役。以其財購今地建禹王宮。在西街。初在城東南隅。雍正八年。知縣江夏劉宗賢建。乾隆三十六年。知縣武陵曾承謨改今所。工未



竣嘉慶八年。知縣湘潭許源燻成之。楚人主祀。曰湖廣會館。按湖廣者水匯也。禹生於石紐。蜀祀亦宜。

天后宮。祀莆陽湄州林氏女。歷代神之。胥有封爵。在西街嘉慶間。曹其春建。閩人主祀。曰福建會館。

南華宮。祀唐大鑿禪師。名惠能。禪宗所稱六祖也。新州人。今肇興府新興縣。在西街。粵人主祀。曰廣東會館。

巧聖宮。在西街。祀魯般。百工之宗也。

榮祿宮。在和義街。黔人主祀。曰貴州會館。榮祿宮皆供

黑神。黔人祀之尤虔恪。繼見富順坊刻。乃知劉本者富

順人。明天順丁丑科進士也。官貴州按察御史。多惠政。

榮縣志

社祀第十一

六

州文三〇七

歿而見兆於上。為民懇恩。上驚寤。曰。劉本死久矣。猶乃

心民瘼。可授榮祿大夫。為黑煞福神。由是祠祀徧西南。

禮稱有功德於民。神哉。與淫祀異。按鄭珍遵義府志。四

川簡州黑神。祀宋州牧李大全。廣西省城黑神。祀平章

也兒吉尼。貴州黑神通祀南霽雲。是與俗傳又異。

蕭公廟。祀齊武帝蕭隴。以其初為潯陽國侍郎。出為贛

令。江州刺史也。在和義街。贛人主祀。曰江西會館。

范公祠。祀宋范鎮。在桂林街。今廢。

武聖宮。在桂林街。秦人主祀。曰陝西會館。

文昌宮。在鳳鳴山。乾隆四十三年。知縣符兆熊由萬壽



寺左遷此。蓋宋嘉祐寺址。寺僧祖元開此。君軒元符初。黃山谷過戎州。祖元馳謁山谷。以東坡醉翁操示元。元欣然曰。往歲從成都通判陳君頎。得其譜。遂促琴彈之。詞與聲相得也。山谷爲題此君軒詩。載集中。祖元姓王氏。周彥從兄也。晉宋間。學佛者皆稱道人。尊之則師。則公。名其堂曰霜鐘堂。以能彈蔡邕秋思琴曲也。建中靖國元年。正月。山谷在江安。贈元師詩。遂東下。崇寧四年。九月。山谷卒。縣人於鳳鳴岡北爲祠祀之。曰太史祠。嘉祐寺元末燬。明宣德初重建。清嘉慶六年。文昌列祀典。八年。知縣許源增飾文昌。因建此君軒於寺。蓋卽太史

榮縣志

社祀第十一

七

×××××

祠址矣。歲爲試士之所。咸豐六年。升中祀。科舉罷。爲學堂。按文昌第五星。周禮大宗伯以禋燎祀者也。第六星曰司祿。世士以爲掌祿籍。宜祀學官。歧矣。及晉梓潼神以鐵如意與姚萇成戰功。而末流有化書之作。歧之又歧矣。姑記嘉祐寺之故址。而詳其遷變云。

龍神祠。在鳳鳴山麓。道光二十年。知縣胡澐募建。同治九年。知縣馬佩玖設龍門書院。草書題榜。有孫過庭法。國變市人毀之。

萬壽寺。蓮宇山左。清爲朝賀行禮之地。殿後有藏經閣。乾隆末。知縣龔巽命鄒正鵬劉純修。倡募修補。國變十



四年中學堂自西街移此。  
武侯祠在清富山。道光九年知縣宮鑑桂建。唐劉兼詩。  
諸葛荒祠古木寒。則榮州唐時已有武侯祠。不必錦江  
也。

張公祠。祀成都張萬祿。張以同治庚申扞賊豹子山殉  
難。繪像祠之。威遠吳孝廉天成賦長歌。中云豹子山頭  
兵不利。諸君壁上等兒戲。男兒死耳復何尤。但言未報  
今皇帝。一時傳誦。

胡公祠。在鳳鳴山左。明四川布政使陳塗記。正德丙子。  
巡按御史熊相以胡公奏。嘉靖丁酉。按察使薛甲謀於

榮縣志

社祀第十一

八

川三〇〇文

巡按御史金燦。改葺前巡按御史熊爵所建九峯山書  
院。爲公專祠。以公弟山東僉事志遠女金奴從祀。而榮  
無祀。後十餘年。知縣王夢魁以士民請。巡按御史鄒懋  
卿。乃檄夢魁祠如九峯。舊名耿忠。茲改曰崇仁。時督學  
陳塗致文遙祭。地在東門外曹家街。今穀神祠。萬歷初  
知縣王建元新其祠宇。與教諭石馨訓導陳時敏。率諸  
生請學使陳文燭爲碑。製迎神送神曲。併設崇仁書院。  
清書院廢。乾隆時知縣黃大本遷明倫堂左。咸豐三年。  
胡氏請於龍神祠隙地專祠。知縣姚寶銘寢其議。光緒  
十八年。知縣唐選皋始建今祠。明士夫題詠。或俚。茲錄



鄉人之作。典儀但一陽詩。時事茫茫眾所難。成仁不顧此生殘。氣衝南斗天純赤。雲鎖東川水自寒。萬古鄉邦重河嶽。一腔心血照逢干。烝嘗祠下欽風烈。王魏功成實可歎。通判楊易詩。萬古綱常重若山。先生負荷出人寰。寸心日月懸雙照。浩氣星辰塞兩閒。故國春風啼杜宇。新詩樂府注風鬟。方公大節胡公繼。取義成仁總一般。刑科右給事中楊鎔詩。節義祠堂秋草深。如君真不負平生。堂堂遺像清霜色。浩浩東川大海聲。頭上有天無二日。人間大節重三榮。孝陵松柏西風起。長表夷齊萬古情。

榮縣志

社祀第十一

九

×××××

玉皇觀在天慶山。一名天慶觀。宋大中祥符二年。詔天下置天慶觀。蓋其舊也。按儒言上帝。乃無聲臭之辭。穀梁定元年。傳曰。應上公。說文媮字。注引甘氏星經曰。太白上公。妻曰女媮。此與靈威仰等。於上帝含義稍疏矣。佛乘言天取自然。或最勝之義。或指一切之鬼神名爲天。其言天也。有多級。遂有多名。如切利天主。姓釋迦氏之類。胥與儒言上帝不同。至諾皋記等言天翁。張堅漁陽人。則諧謔耳。玉皇之說。與儒佛均異。蓋道家言。東嶽廟在東門外。明嘉靖間建。康熙十一年重修。乾隆七年。典史張鴻捐祀田。嘉慶十一年。士民募修寢殿。十



六年。知縣許源募修東西廡。十王殿樂樓。非祀獄神。蓋取援神契太山天帝孫主召人魂之義耳。

諸儒祠。祀縣人王潛夫。尤袤。王顛。勾龍湜。勾龍傳。在縣東。宋知州晁公武建。今廢。

先賢祠。在縣東。宋建。祀知州李仁父。張少衛。李巨傳。岑求易。范景仁。今廢。

竹王祠。祀夜郎侯多同。在東溪飛仙橋上。寰宇記已言之。太平御覽引蜀記曰。昔有女人於溪浣沙。有大竹流

水而觸之。因有孕。後生一子。自立為王。因以竹為姓。漢武使唐蒙伐牂牁郡。竹王因有此地。人不忘其本。立竹

樂縣志

社祀第十一

十

川上X。上川

王廟祀之。按南安隸蜀郡。在犍為郡之先。謂樂為竹王地。固誤。然據此知祠廟之古矣。唐薛濤詩。竹王祠前多古木。夕陽沈沈山更綠。何處江村有笛聲。聲聲盡是迎郎曲。

大佛寺。陸游詩所謂東山也。據唐開化寺碑。古已有大佛殿。今巨像在東郊真如崖。宋元豐十八年。僧淳德因巖鑿像。以元祐七年成。舊載架殿十層。高四十七丈。闊十五丈。後燬。清嘉慶十年。峨眉僧隆輝自南海歸。過樂。見佛象荒露。乃斬草而庵。十三年。知縣許源卷修佛頂。二十一年。宮鑑桂修禪房。方丈寺門。刻達摩像。極工。



道光二十一年。克星額捐募補修。同治二年。申誥拓之。皆官力也。光緒初。僧請北藏全經。高陽李相國鴻藻題藏經樓榜。山半有嘯臺。國變四年。趙熙詩。廢臺文獻久無徵。宋代題詩屋幾層。冷眼看穿司馬氏。山中一笑卽孫登。感洪憲事也。

開化寺。在城東真如崖下。國變七年。趙熙張璽方虞兆清於洞得唐碑。知唐寺也。佛像嚴靚。南宋摩崖字猶存。俗曰羅漢洞。古云龍洞。舊志所稱龍湫。夜月也。唐宋時因厂爲屋。如長廊。然下延至白雀寺。說文所謂广也。崖半舊蹟及石像。燎然。遠望之臺殿高低矣。陸游龍洞詩。

榮縣志

社祀第十一

十一

×××××

峭崖摩天如立壁。枿根橫走松倒植。呀然一岫驚倒人。空洞坡陀三百尺。幽陰宜爲異物託。角爪痕存猶可識。想當蟠螫未奮時。醒風逼人雲觸石。一朝偶爲旱歲起。捲海作雨飛霹靂。向來伊呂正如此。莘渭千年有遺迹。我欲酌酒招蜿蜒。安用辛苦常行天。太平海內多豐年。歸來故祠聽管弦。又齊天樂人日遊龍洞云。客中隨處消閒悶。來尋嘯臺龍岫。路斂春泥。山開翠霧。行樂年年依舊。天工妙手。放輕綠護芽。澹黃楊柳。笑問東君。爲人能染鬢絲否。西州。去近也。帽簷風軟。且看市橋沽酒。宛轉巴歌。淒涼塞管。攜各何妨頻奏。征塵黯袖。漫禁得



梅花伴人疏瘦。幾月東歸。畫船平放溜。又驀山溪游三  
榮龍洞云。窮居孤壘。臘盡春初。破寂寞。掩空齋。好一箇  
無聊賴的我。嘯臺龍岫。隨分有雲山。臨淺瀨。蔭長松。閒  
據胡牀坐。三杯徑醉。不覺紗巾墮。畫角喚人歸。落梅村。  
籃輿夜過。城門漸近。幾點妓衣紅。官驛外。酒樓前。也有  
閒燈火。

李文簡祠倚龍洞見摩崖記

白雀寺開化寺下。唐建。清初僧性空結草而居。康熙八  
年。知縣蘭松捐建。

彌陀閣在白雀寺前。縣優貢黃芝。晚年篤佛典。易名爲

榮縣

志

社祀第十一

十三

川文上。上二

覺。既修大佛橋。又創修此閣。導人持佛號。入淨土焉。

鎮南塔。明建。清嘉慶十四年培修。知縣許源有記。以爲  
培文風云爾。自形家言觀之。於風水或有說。而非塔義  
也。按塔梵云窣堵坡。猶中國方墳圓冢。以藏佛舍利而  
供養者。其級多寡有定制。蓋佛者非一人之私稱。乃萬  
德洪名。猶中國至聖云也。故曰佛覺也。人不覺可議。至  
于佛無可議矣。可議則非佛也。如人而非聖可議也。聖  
則無可議矣。先儒不究是義。惡夫僧有罪行者。於是揚  
聲攻之曰闢佛。其實闢僧也。而誤揭其名。是猶恫世之  
亂。不曰誅賊。而曰吾直誅聖也。可乎。倘究觀於三藏之



文宜知悔矣。然則舍利者何也。曰舍利佛之所寄也。人觸目而感善心焉。一切凶邪祛矣。無舍利而虛爲塔者何也。倚至善而不善者胥祓除。萬德在是也。嗟乎儒者不惑異教可也不崇德非也。天下之善一而已。闢善尤非也。通其義以培文風也宜以福是邦而爲山川之鎮也亦宜。

觀音閣城南擦耳崖濱溪。先刻觀音像。有亭。乾隆十七年。縣人程子俊砌石立廟。知縣黃大本爲之啓。明王三重刻白雲紅日於石壁。

明月祠。太平寰宇記。其神如圓月。民祀以祈福。今不知其址。

### 榮縣志

社祀第十一

三

川上卷之六

羅星閣在鎖江橋下。橋爲唐貞元刺史張某建。舊曰靈濟。崇禎時縣紳簡勅捐千金構橋樓。木石已就。乾隆十二年。知縣徐德龍以其材修橋。曰安聚。高減於前。又於江心築羅星閣。未竣。乾隆己亥水大至。橋閣均壞。五十二年。知縣龔翼補修。曰鎖江橋。圯饒鉢頂亭子。成羅星閣。按羅星字見黃庭經。此閣則用唐靈臺郎賓州楊益說。鄒學山有賦。不錄。

開元寺。城南浮圖崖下。沿巖佛像林立。古稱金碧崖。今日開曰千佛崖。寺曰二佛寺。道光碑云。前曰廣志寺。今日開



元寺實則開元乃唐寺也宋史五行志大中祥符四年十一月榮州開元寺甘露降天禧二年十二月榮州開元寺甘露降卽此銅佛一縣人劉廣募建知縣黃大本捐助之右有水月寺清初已廢。

法華庵。尼庵。在金碧崖下。濱鴛鴦石之溪。

龐靖侯祠。當城南晴雨崖。蜀廣政十七年榮昌寇警州守呂昌朝率賈全勝田廣禦賊至資陽銀山過龐侯祠折棗枝歸植巖上數年成林因神之名靈棗巖全勝等治茅祠其下若有乘白馬呵導來者香火遂盛樓殿廳廡皆具金碧照耀巖日左有惠民祠祀隋嘉州守趙昱

榮縣志

社祀第十一

古

×18021

明知縣張九思移前乾隆開士民捐建殿宇五間祀秦蜀守李冰曰川主宋夔路運使張寅龐靖侯祠詩元德志四海如龍不可羈曹瞞鬼蜮才亦伏英雄姿荊州暫寓耳人物取不遺龍鳳同有歸老季當媿之惜哉神州沈無路容驅馳既迫駐足地回戈因蜀資正論出揚解伐國何樂爲堂堂士元意本以王業期壯歲殞斯人百志不一施空山闕孤冢千載方叢祠河洛今氛祲世路猶未夷誰能作九原皇明望疇啓剛風九霄來和我傷懷詩戶部司務陳其力詩溪上祠堂拜鳳雛可堪王業委西隅天留正統開炎漢運去中原有魏吳劔嶺風塵



悲往事。銀山精氣動先驅。赤心棗實靈崖種。品定人間第一株。明教諭胡山訓導李遇陽縣人。但一陽皆有詩。不錄。

土主灣。卽龐靖侯祠。兼祀土主。周禮注。后土社神也。或以土主營之。非也。而廟所在皆是。按土主卽杜主也。土杜聲通。詩長發相土。荀子解蔽作乘杜。縣自土沮漆。漢書地理志。土作杜。在古同用極多。華陽國志。杜宇稱帝。自以功德高諸王。號曰望帝。其相開明。決玉壘山。以除水害。帝遂法堯禪舜。傳位開明。升西山隱焉。時適二月。子鵲鳥鳴。蜀人悲之。已亦化其教。而力農務。迄今巴蜀榮縣志。社祀第十一

榮縣志

社祀第十一

五

川文。上

民農時先祀杜主。是於國俗祀典皆合。

望帝祠。唐劉兼登郡樓書事曰。望帝古祠花簇簇。知近在西南之闔。地望蓋今土主廟。

光佛寺。唐寺也。劉兼有光福寺牡丹詩。今廢。

純陽閣。城西鳳樓山之巔。樓曰萬景樓。嘉慶十三年。知縣許源廷奉唐呂巖像。後移龍神祠。按濟南有明天啓間碑。載呂仙自敘云。本是唐宗室。名瓊。字伯玉。娶金氏。有四子。五十登科。爲縣宰。辟日月當空之禍。棄官隱山巖中。故名巖。號洞賓。又與妻止二口。故改姓呂。妻死。又號純陽。言無陰也。碑爲明郡守樊時英刻。錄廣異聞。



古佛寺。在西門外。宋元祐閒建。曰古佛。則必唐像也。馬應祥榜曰綠水西來。表迴溪之勝。

講教洞。非寺。里人塑川主牛王像。春則張燈樹焉。洞乃鑿石而成。黃山谷名曰地仙洞。而高子文講教洞詩。一官羈絆混黃埃。壯抱雄襟久未開。我若有山如此好。挂冠卽日賦歸來。則宋已名講教矣。

虎洞。尼庵。一名少陽洞。一名飛霞洞。陸游虎洞詩。空山秋老木葉黃。茫茫百草凋秋霜。逶迤深谷白晝盡。羣鴉競噪眾鳥翔。洞中有虎何猛烈。牙如利刀爪如鐵。奮鬣掉尾初出穴。昂頭四顧吐其舌。雙眸忽動飛電迴。層崖

榮縣志

志

祀弟十一

六

川三三〇一

長嘯陰風來。山中藜藿誰敢採。野外狐兔皆悲哀。嗟虎之猛有如此。自是貪殘日無已。豈無壯士裴將軍。彎弓射之殄其類。方今上有聖明君。廣愛民物懷深仁。推誠不覺祝羅網。登用牧守需賢人。四郊無事民安堵。有若劉琨多善舉。嗟虎雖狂當如何。胡爲飲泉卷之阿。明當負子東渡河。

文昌閣二。一縣東十里龔家埧。一十五里觀音坡。石燕寺。近仁壽崖。余家寺。近龔家埧。金魚寺。或曰開石得金魚二。故名。均縣東十五里。

高山鋪南華宮。道光時建。萬壽宮。咸豐時建。五省廟道。



光時建。觀音閣。舊設高山義學。均縣東十八里。  
清水寺。近高山鋪。明萬歷閒建。光緒三十一年。設學堂。  
附近鯉魚沖。有讀易洞。道光時。高峯寺道士蕭芳洪所  
鑿。高六七尺。方二丈。併石案石牀。

五龍寺。縣東二十里。榮梨山。嘉慶十三年。知縣許源建。  
舊名慈雲寺。穴曰龍洞。宋熙寧八年。封榮梨山神爲靈  
應侯。勅曰。朕勅百神之祀。非特以爲報。亦所以致吾誠  
也。守臣稱爾之靈。能爲民除災而降祉。是用錫之侯爵。  
昭爾有功。神其鑒哉。永庇於茲土。宜特封靈應侯。牒至  
准。十年。榜賜五龍池曰會應廟。勅曰。榮州榮梨山五龍

榮縣

志

社祀第十一

七

川文文〇二〇

池祠堂。州狀稱在榮德縣界。山高五里。上有池。旱不涸。  
雨不溢。祈雨有應。圖經亦載。牒奉勅宣。特賜會應廟爲  
額。牒至准。前此天禧中。知州皇甫某建亭。進士魯清爲  
記。碑漫滅。乾隆十九年。知縣黃大本新刊之。并建靈雨  
亭。歲旱。今猶爲榮所。按遁甲開山圖。五龍者。長曰角龍。  
木仙也。次徵龍。火仙也。次商龍。金仙也。次羽龍。水仙也。  
次宮龍。土仙也。治在五方。今俗作舞龍。於古。標  
青陽寺。縣東二十二里。宣統時建。與城南青陽洞相應。  
俗作青羊。

湘陽洞。縣東二十五里。寺以洞名。深不見底。巖泉淨。



有聲。雖旱不涸。

鎮安場。靈山寺。縣東三十里。舊名尖山寺。爲保甲之所。有積倉。牛王廟。縣東二十四里。天人寺。丑宿宮。均縣東二十八里。觀音閣。縣東三十一里。設學堂。新廟。縣東三十二里。

墨林場。墨林寺。乾隆四十年建。光緒末。設學堂。天宮堂。明時建。均縣東北三十二里。寶勝寺。縣東北十八里。松山之中。古記也。雲峯寺。縣東北三十五里。乾隆時建。東嶽廟。明時建。朝陽洞廟。嘉慶八年建。均縣東北四十里。希夷觀。在榮德山。相傳宋陳搏曾駐焉。石室二十四。按

榮縣志

社祀第十一

六

卷之三十一

宋史搏本傳。不言至蜀。文同陸游在元修宋史之前。均言石晉天福中至蜀。則宋史疏也。榮多搏筆迹刻石。灑水燕談云。宋太宗賜希夷詩。曾向前朝號白雲。後來消息杳無聞。如今若肯隨徵召。總把三峰乞與君。蓋周世宗賜號白雲先生也。故祀希夷多號白雲寺。

仙巖寺。在呂仙巖。本李家巖。咸同時建。趙熙詩云。老樹霜紅滿卦壇。神京曾自覓微官。片時春夢三山曉。萬里秋風一劍寒。巖下有觀音閣。沿壁佛像。題云。紹興二十九年任文順修。

鴉鵲沖。三聖宮。乾隆時建。縣東三十里。岳峯寺。近鴉鵲



泮方家埧。萬歷時建。名岳峯庵。雍正間培修。改今名。國變六年。里人治保甲。設學堂。鐵板寺。近方家埧。嘉靖間建。萬歷時培修。曰雲峯庵。乾隆五十九年。改今名。有池。清深。龍王廟。縣東二十五里。龍神口。寶山寺。縣東二十六里。觀音閣三。一冷水橋。一殺牛灘。有學堂。均縣東二十五里。一太平橋。縣東三十里。

張家場。鳳皇寺。乾隆十六年建。一曰鳳皇庵。設學堂。高峯寺。近方家埧。三聖宮。均縣東四十里。張家廟。縣東四十五里。貓兒山。永福寺。縣東四十八里。趙家洞。老虎洞。界威遠。多佛像。石壁刻迎貓祭虎字。惠觀寺。在鍋底蕩。

榮縣志

社祀第十一

十九

×川。文川

隆興寺。在石鳳山。均縣東五十二里。公王廟。縣東五十五里。周宗廟。明萬歷間。周宗父子善塑像。因以名。晏家廟。相傳曰天寶山。象鼻寺。水口寺。均縣東六十五里。程家場。禹王宮。乾隆初。釀會。道光三年建。今設女學。文武宮。嘉慶間建。曰文昌宮。光緒中。武舉羅朝元移程家寺。圖像合祀。清設雲程義學。今改學堂。炎帝宮。乾隆時建。社積倉在焉。川主廟。咸豐元年建。丑宿宮。嘉慶中建。天后宮。乾隆時建。萬壽宮。火神廟。牛王廟。程家寺。相傳曰玉鼎古刹。均縣東六十五里。石廟二。一縣東六十八里。萬歷時建。有孔子像。一縣東八十里。四壁石立。故名。



川主廟。或曰川主殿。文昌宮。朱家廟。均縣東七十七里。金華庵。縣東八十里。俗曰饒家寺。藍家廟。縣東南四十七里。天宮堂。縣東南五十二里。吳家寺。縣東南六十里。明萬歷時有佛像。康熙中建廟。今設學堂。鄭家觀。縣東南七十二里。均近白廟寺。朝陽寺。縣東南七十三里。魏家洞。神農廟。縣東六十七里。古社祭之外。神農爲重。藉田有祭。周語所謂藉禮也。祈年有祭。周禮所謂田祖也。蜡饗有祭。郊特牲所謂先嗇也。是廟年月無攷。而相距二十里。又刻迎貓祭虎字。似秉禮者。內設倉曰中和倉。貢井。東嶽廟。近下橋。相傳龕下有井。名貢井。按卽元和

榮縣志

社祀第十一

三

×川。三三

志大。公鹽井也。古佛寺。明建。清培修。文武宮。明建。稱天宮堂。今設學堂。紫雲寺。在艾葉灘。明建。舊稱楊泗廟。真龍寺。嘉慶時建。慈雲寺。國變後建。天池寺。在天池山。山頂有池。明爲平方禪院。萬歷間鑄金像七。井神祠。在老鴉坡。光緒二十三年。設爲公事之所。有倉廩。鹽始。夙沙氏。茲祀王公梅公。殆昉井者。文武宮。乾隆時建。嘉慶二十二年。知縣宮鑑桂設旭川書院。今改學堂。城隍廟。近下橋。唐公井。置州。宋熙寧四年。始省縣爲鎮。意城隍之祀舊矣。禹王宮。乾隆十八年。設社倉。米市在焉。南華宮。在棗子園。乾隆時建。光緒己亥培修。天后宮。近草市埧。



嘉慶中建。江西廟。在新街。乾隆時建。同治培修。榮祿宮。在芟芭街。明建。道光時重修。武聖宮。近下橋。五皇洞寺。縣東九十八里。明建。聖水寺。縣東百里。萬歷時建。今改學堂。洞雲寺。縣東八十里。屬貢井。順水寺。靖江王廟。觀音閣。張爺廟。周家廟。文昌宮。臨江寺。五顯廟。縣南五里。近麻柳灣。道家言。五顯神號曰華光大帝。謂五行之宣著。莫甚於火。故祠以五顯名。專司火政。按緯書有赤熛怒。周禮兆五帝於四郊。各因時地迎之。至漢文作廟渭濱。五帝乃同宇。道家者流。謂回祿一帝。厥有五人。名以五顯。其辭尤誣已。

榮縣志

社祀第十一

三

川文上。三。カ

東嶽廟。縣南八里。樁子坪。

天竺庵。縣南十八里。釣魚臺。古爲二寺。其一曰開元福寺。康熙時。合爲天竺庵。乾隆中。移今地。嘉慶同治間。遞修之。鄉學積倉。設此。趙熙詩。宛之富春渚。吾昔號南漪。魚影花千片。禽聲竹一陂。名高逸民傳。地稱放生池。樵隱無能別。庵荒坐塾師。

汪家灘。關帝廟。咸豐二年建。合聖宮。乾隆時建。同治六年培修。積倉貯此。文昌宮。光緒十六年。貯社倉。二十一年。設學堂。東嶽廟。道光時建。顯聖庵。縣南十八里。大坡。嘉慶間建。同治二年培修。觀音閣。在雙河口。乾隆五十



九年建。有學堂。萬壽庵。在麥子山。乾隆二十八年建。嘉慶六年培修。設小學。

青崖寺。縣南二十五里。康熙中。張容授學於此。舊志稱吳三桂據滇。蜀試士。張恕爲解首。事平。恕易名容。康熙甲子。又鄉試。中第九。門下多成進士。縣人交推之。詩云。文章有價。世爭傳。一卷摩抄在此閒。同是青崖名字好。思量甄濟讀書山。

青華寺。縣南二十八里。董家鎮東華山。左爲佛殿。右爲五皇東嶽十王城隍諸殿。後爲文廟。有孔子像。碑云。明萬曆二十五年建。康熙二十一年重修。按董家鎮。明爲

榮縣志

社祀第十一

三

川三三〇一八

桐麻鹽司。有衙署。故諸廟作焉。

過水坳。文武宮。明建。清設逢源義學。今改學堂。天宮廟。清初建。劉家廟。縣南十四里。明名福壽庵。康熙七年。知縣蘭松督建。曹家廟。縣南十八里。嘉靖時建。相傳爲曹家場。新會寺。縣南二十五里。萬曆時建。

樂德鎮。碧雲庵。初名五皇廟。弘化時。里人張碧雲施地。因改今名。萬壽宮。光緒二十四年建。南華宮。同治六年。建設女學。天后宮。乾隆四十四年建。重華寺。同治閒建。有小學。均縣南三十里。天宮廟。鎮西八里。明建。今設學堂。廣福寺。縣南四十三里。龍山。明成化十八年建。知縣



李銳有詩。雖俚足徵蘭若之勝。康熙九年重修。常興寺鎮西南十五里。清初土人占有寺地。雍正九年僧祥雲贖還建廟。嘉慶十四年補葺。

雙石橋。南華宮。道光六年建。萬壽宮。嘉慶七年建。禹王宮。乾隆四十七年建。文昌宮。道光二十四年建。設學堂。明山古刹。地曰大明山。寺記。明萬歷十九年建。方家寺。均縣南三十里。大才寺。縣南三十五里。金臺山。一名榮陵山。舊名普照寺。明成化中建。嘉靖二十四年。修後殿。新華寺。在高灘。同治八年。劉成欽捐建。破塘寺。在鼎鳳山。雍正元年。張容募建。石堰寺。在翔鳳山。古刹。乾隆三榮縣志

社祀第十一

三

四百〇三一

十五年重修。張家寺。在張家洞。舊名于古洞。深廣容百人。

李家堰。迴龍庵。萬歷時建。光緒二十八年。設學堂。天后宮。光緒三十三年建。南華宮。咸豐九年建。貯積倉。二官廟。光緒二十八年。設學堂。均縣南四十里。川主廟。縣南四十二里。馬營崖。相傳有馬氏者。將兵禦賊。與其女死焉。葬崖上。是野客山之一口。寶泉寺。縣南五十里。明末寺圯。雍正九年。僧堅通由閩入蜀募焉。乾隆二年。里人闕開文募建。寺周梨橘如幄。光緒二十八年。設學堂。李子橋。天后宮。咸同閒建。南華宮。光緒中建。關帝廟。舊



名士門寺。設社積倉女學。文昌宮。光緒十八年建。設小學。禹王宮。宣統二年建。均縣南五十里。玉皇觀。縣南四十五里。一名凌霄殿。以凌霄坡名也。有玉皇像。明弘治十六年塑。陳家殿。在鳳皇山。道岐寺。附近豆巴寺。縣南六十里。明刹。

松林寺。縣南五十二里。鶴鳴山。古刹也。明末燬。清初僧樂璋樂立重建。里楊氏女施田。乾隆閒重修。明副使桂陽范淵詩。晚涼驅馬來山寺。山寺晚鐘還未鳴。雲翠半連天。腳近松陰一路石頭平。老僧餉客茶香出。古佛傳鐙夜氣清。半世不知塵裏過。偶聞仙梵萬緣輕。錦衣都

榮縣志

社祀第十一

三

三

指揮使青神余承恩宿松林方丈。浩蕩榮州策馬行。夜眠多雨晝多晴。賦歸已足閒居好。再出休誇宦況輕。萬里秋風橫一劍。數松涼月夢三生。荒雞夜半催人起。經略西南拜孔明。布政司參議余承業過松林寺讀兄詩。將軍雄筆留僧舍。一劍秋風客思深。萬里山河消馬足。百年身世宿松林。我來梅樹家家雨。春盡鶉聲夜夜心。歸騎嘶風應熟路。中宵月出照東岑。再過松林方丈云。六年兩度飯松林。倦客棲遲萬樹陰。不盡浮屠桑下意。西堂夜雨謝公吟。僉事徽州劉儒松林寺云。夜來匹馬度禪林。一杵疏鐘滿地陰。夜久山寒僧卧穩。萬松風作



老龍吟。僉事南陽焦市程雨中曉發。山寺鳴鐘杳靄聞。夜闌燈火宿禪關。夢回苦海雞初唱。人老恆河僧未閒。風雨那堪三宿戀。關河能計幾時還。傳家得舉焦先例。願託松風住此山。按余承業嘉靖二年進士。

鼎新寺。以所居山名。而場名因之。萬曆三年。縣人程甫運捐建。今存玉皇殿。文昌宮。玉皇銅鑄。高八尺。儲社積倉。按程爲明道後裔。衣冠於明不絕。天后宮。嘉慶十二年建。禹王宮。乾隆三十年建。有學堂。萬壽宮。乾隆二十一年建。觀音廟。近鼎新寺。乾隆十八年建。照石寺。縣南四十里。臨溪有巨石。日映四照。故名。迴龍殿。縣南五十

榮

縣

志

社祀第十一

三五

×川一〇三上

里。黃家廟。縣南五十四里。場北六里。明建。乾隆時重修。藥王廟。縣南五十六里。場西四里。萬曆三年建。慈雲寺。縣南六十里。卧龍山。場西八里。萬曆時建。有小學。復興寺。縣南六十三里。庵子沖。場南三里。明建。清設。復興義學。今改學堂。雲忠庵。一名五皇廟。縣南七十里。葉家灘。場東南十里。嘉靖十二年建。有小學。極樂庵。縣南八十里。烏龜坡。場南二十里。明建。乾隆重修。文武廟。在茶子灣。設小學。新觀音。在張家巖。廣寧寺。在石骨沖。鼎鳳山。在破塘。高廟。地名高廟山。道光甲辰建。

古文場。文昌宮。清設學。古義學。南華宮。光緒三十年。設



小學。禹王宮。設女學。萬壽宮。三官堂。安家廟。國變一年。設小學。分水廟。金川寺。福川寺。柏家廟。謝家廟。三星殿。五顯廟。五皇廟。川主廟。三清殿。

煙燉寺。在野客山。知古爲孔道。唐書景龍二年。省雲州。及羅水雲川胡連三縣入大牢。宜卽此野客山境矣。

五寶鎮。天圓寺。宣統二年。設小學。水口寺。均縣南六十里。近橋樓子。文昌宮。清設五桂義學。光緒三十一年。改學堂。南華宮。國變四年。設學堂。恒豐廟。光緒三十一年。設學堂。八角廟。國變十年。設學堂。雲峯寺。國變十一年。設學堂。鼎新庵。國變十二年。設學堂。觀音寺。新定庵。均

榮縣志

社祀第十一

三

×。川。文

近蔡家店。極樂庵。寶鼎寺。

觀音庵。縣南九十里。僧文峯十六能詩。和雲空早涼云。閒庭落葉早涼侵。嘒嘒秋蟬助客吟。崖樹影疏飛鳥下。寺鐘聲斷暮雲深。山閒訪友時攜酒。村外尋花又抱琴。飛錫再來幽徑熟。青猿接我上高岑。

龍潭場。川主宮。嘉慶閒建。同治培修。文昌宮。咸豐九年。增生吳騰蛟募建。天后宮。嘉慶時建。東嶽廟。嘉靖中。劉一惇一會建。施祀田。其裔劉啓俊給僧自管。乾隆十八年。吳明聚邱洪仍上房之舊。修社倉八間。設龍潭義學。武聖宮。光緒中建。禹王宮。嘉慶時建。設學堂。南華宮。光



緒中建。公事聚議之所。萬壽宮。乾隆時建。道光培修。均縣南七十里。道澄寺。縣南六十里。西冲鋪。明成化時。僧源潔募建。於叢林。爲有名。康熙中重修。舊設玉成講社。關帝廟。距場六里。嘉靖中。建將軍廟。傳云明季攻匪見害。里人祀之。五皇廟。縣南八十里。葛麻寺。縣南八十五里。嘉靖時建。

白廟寺。初屬程家場。爲鄉保。光緒三十年。建市。以寺名。二聖宮。在高石坎。光緒三十一年。設小學。樂嶺寺。地爲騾子嶺。名騾嶺寺。乾隆時。知縣黃大本。易騾曰樂。舊爲雲程講社。進士曾省三。藍瑾章。舉人楊調元。先後主講。榮縣志

社祀第十一

三

×。×。×。×。

席。武聖宮。均縣南七十里。橋頭鋪。南華宮。光緒中建。有放生池。學堂。川主廟。光緒壬寅建。萬壽宮。光緒乙巳建。禹王宮。同治癸酉建。張爺廟。乾隆癸亥建。楊泗廟。明建。天后宮。光緒己卯建。靖江王廟。明建。玉皇廟。光緒庚子建。文武宮。嘉慶己未建。捲子坪廟。縣南八十三里。五皇廟。縣南八十四里。雨壇寺。嘉靖時建。寺外古柏數人合抱。有石如蝦蟆。納涼宜。天宮堂。熊家廟。均縣南八十五里。程家廟。縣南九十里。程家寺。縣南九十五里。竈王廟。在觀音巖。野祀。非禮也。靈官殿。縣南八十五里。乾隆四十二年建。按靈官姓王。



名善。故曰王靈官。宋徽宗時。從蜀人薩堅受符法。本林靈素所傳。萼鄉隨筆所謂松郡史道人傳薩法能召靈官王善是也。居二十六將之一。明史謂爲玉樞火府天將。永樂中。周思得能傳靈官法。乃於禁城之西。建天將廟。宣德中。改火德觀。皆誣辭也。

道觀寺。縣南九十里。古曰龍泉庵。萬曆二年。僧祖續登常。登正刊大字法華經。唐法而兼蘇體。寶光四溢。天下第一部法華經也。不知何時板移大佛巖。光緒初。毀于火。

蓮花場蓮花寺。縣南九十里。明末。寺僧善拳擊。張獻忠

榮縣志

社祀第十一

三

川七〇上二

之亂。城破。知縣秦民湯走依之。殉節焉。圓明寺。近沙溪口。縣南八十里。東嶽廟。光緒十九年建。二官堂。雍正八年建。川主廟。雍正七年建。葛麻寺。縣南百里。萬曆五年建。

南禪寺。地名南禪山。一名鉢盂山。與宜賓界。道光中。僧雲空。姓白。人稱白和尚。喜爲詩。王雪嶠明府禮之。摘句云。看經魚食字。聽偈鳥傳聲。風定數聲鐘。梵音花外放。櫻桃花放家家雨。楊柳村啼處處鶯。秋老白雲山外影。詩成黃葉雨中聲。山深不解春來未。新種花開當歷看。牛尾河。文武廟。設學堂。



朝陽洞。縣西南八里。川主廟。西南十里。觀音閣。近石碓。宣統初。設學堂。

文昌宮。文昌宮。縣西南十八里。舊有廟廢。同治二年建。光緒末。設學堂。場以寺名。佛圓寺。縣西南十五里。觀木洞。嘉慶二十三年。里人以洞有佛像。建廟。萬民寺。縣西南二十里。萬歷時建。舊吳春士施地。名吳施庵。雍正時。吳伍相訟。改今名。設學堂。五聖庵。縣西南二十五里。近土地場。

楊家場。三聖宮。乾隆五十三年建。道光二十九年培修。天后宮。乾隆五十九年建。道光時培修。貯積倉。王家廟。崇禎時建。康熙中重修。有學堂。周家觀。場北五里。明天啓七年建。康熙十年。知縣蔭松督修。川主廟。在胡家巷。嘉慶七年建。

杜家井。萬壽宮。嘉慶時建。南華宮。嘉慶時建。川主廟。道光時建。文昌宮。清設汲古義學。今改學堂。靈官廟。道光十三年建。觀音廟。華嚴寺。均縣西南三十里。白雲寺。縣西南四十六里。俗曰太子殿。覺參寺。縣西南五十里。明曰萬壽寺。萬歷三十二年。改迴龍庵。光緒三十三年。改學堂。

鎮紫場。文廟。光緒九年建。二十三年。設鎮心義學。今改

榮縣志

社祀第十一

三

川上言。三川



學堂萬壽宮。乾隆四十三年建。川主廟。嘉慶七年建。貯積倉。禹王宮。乾隆五十五年建。丁家廟。縣西南五十四里。西陽山。嘉靖間建。迴龍寺。俗曰張家廟。縣西南六十里。興隆山。清初建。

河口。清涼寺。縣西南六十里。下有塘六十餘畝。俗曰紅花池。古多荷。故。乾隆十八年。設社倉。川主宮。光緒三十二年。設學堂。吳家廟。滿庭寺。謝家廟。先後皆設學堂。五省廟。禹王宮。南華宮。解脫庵。安家廟。金川寺。

新橋。三聖宮。乾隆三十七年。建。嘉慶十年。培修。舊設日新義學。今改學堂。吳家廟。距場五里。白馬廟。成化十七

榮縣志

社祀第十一

三

川志卷之三十一

年建。玉皇觀。枕擁斯茫水。明建。雲臺觀。天順七年建。一曰畢家觀。下臨擁斯茫水。興聖庵。俗曰興庵寺。虞沈二姓施建。

資國寺。縣西南七十五里。濱擁斯茫水。環境伏瓦礫。時出鐵錢異物。寺後堂階遺址猶存。國變十年。土人得碑。列四界及縣丞尉氏姓。固宋時階官。其地殆鎮所也。宋制。人煙繁盛處置鎮。設監官。掌火禁。凡杖罪以上。竝解本縣。餘聽決遣。舊志云。資國鎮已廢。蓋卽此。碑云。西止資官。縣界溪水。據知爲榮德轄也。

伍子胥祠。在擁斯茫水南。臨關喜橋。舊志。土人傳其靈。



應異常。今廢。

永興場。白廟寺。明建。康熙時重修。光緒三十一年。設學堂。文昌宮。乾隆時建。華嚴寺。均縣西南七十里。

保華場。關帝廟。玉皇觀。白雲寺。川主廟。東嶽廟。雙觀音。九皇殿。文昌宮。觀音堂。文昌廟。二郎廟。觀音廟。均縣西南七十里。

古家場。川主廟。清初建。光緒三十一年。設學堂。文昌宮。靈官廟。均清初建。金鳳山。距場八里。清初。里人募建。大成殿。塑孔子像。道果寺。距場二十里。清初。虞鄧二姓施建。金相庵。場西南二十里。界宜賓。清初建。

榮縣志

社祀第十一

三

川志。文川

李家場。縣西南八十里。三聖宮。乾隆十七年。李通李郁李岱施建。光緒三十年。設學堂。雲峯寺。場東南八里。宋寺。康熙十一年。李仁春學增應孝重修。石簷廟。縣西南九十里。成化間建。濱擁斯茫水。一名深淵祠。又曰廟合寺。五皇廟。古蜘蛛寺。青岡坪。中華廟。均縣西南九十里。天池口。縣西南百里。界犍爲。萬歷時建。

董家場。旺興坪。社穀貯所。文昌宮。清設。正德義學。光緒末。改建學堂。禹王宮。萬壽宮。均在場。縣西南九十里。東嶽廟。距場四里。澗山寺。宋建。寺前曰澗山溝。俗曰高廟。對太平寨。已廢。九龍廟。距場六里。虞家廟。縣西南九十



里。仙馬橋。雷音寺。距場二十四里。有鐘如雷。故名。寺後有古塔。附近有龍王殿。土粉廟。華藏寺。圭山寺。縣西南百里。界宜賓合江鎮。

老農場。萬壽宮。光緒三十二年。設學堂。玉皇廟。縣西南百里。余家廟。成化時建。界隄爲縣西南百十里。

金花殿。縣西南百十里。五峯聳峙。中曰金花山。清時。香火極盛。金川寺。尼庵。俗曰南川寺。縣西南百二十里。

趙家洞。縣西八里。古曰長安洞。明建廟。光緒中。縣人尹光宗書別有洞天。刻崖半。

三清殿。縣西十八里。萬曆十七年。建五皇廟。縣西十九

榮縣志

社祀第十一

三川

里。嘉慶二十三年。建觀音廟二。一縣西三十里。人稱墨林觀音。設積倉學堂。一縣西三十里。魚江嘴。光緒三十三年。設學堂。楊泗巖。穴廣數丈。深三丈。地理寺。一曰定理寺。縣西四十里。近栗樹坪。明末。被賊屠燒。

鐵廠鋪。川主廟。道光九年。建儲社積倉。南華宮。乾隆三十四年。建天后宮。乾隆五十一年。建萬壽宮。達摩寺。屋一間耳。均縣西二十五里。五皇寺。縣西二十六里。乾隆時。里人於蔓草獲神像。建楹。嘉慶二十三年。廓治之。觀音廟二。一大樹坳。咸豐五年。建一小橋溝。道光十一年建。



長山橋東嶽廟貯社倉。國變五年建公所。文昌宮清設雲龍講社。光緒三十一年改學堂。川主廟道光十七年建。南華宮道光三十二年建。禹王宮同治二年建。天后宮萬壽宮均縣西六十里。古佛寺縣西五十里。近有觀音閣真武廟縣六十里。五通壩真武山本玄武也。以宋諱曰真武。靖康三年建。近有筭石廟。光緒二十二年建。蓮花寺縣西七十里。俗曰姚家寺。清初爲古泉寺。道場弘麗。今破屋數間而已。孟蘭庵濱擁斯茫水之魚游灘。萬歷十七年湖州通判楊仲聯舍宅爲寺。故名楊家寺。今設學堂。

榮縣志

志

社祀第十一

三

川文之六十一

蹋紫山縣西七十里。有川主廟。其禹王宮設學堂。龍潛寺界隄爲舊作龍泉。金山寺近龍潛寺。宋家廟。執通寺均屬此。

龍窠寺縣西七十五里石筍山。一名銀窠寺。有明方海遺像。榜承恩字。左書恩授義官方海承。右書弘治三年六月知縣鮑珪建額篆皇明宗室楷記衡陽王書。末刻義官趙雲山何本新陳驥李德俊賀不符前蹟。似附刻者。相傳明弘治二年蜀荒方海出粟振饑。次年設預備倉。海急公。因旌寵之。按孝宗弘治二年振四川饑。三年命天下預備倉。里數以多寡爲差。不及額者罪之。事與



史合西南八里黃鶴寺。嘉靖十年建。順治十八年。但應壽施業重修。今爲石筍鋪學堂。隔溪鄭家觀。明時建。來牟鋪。證之元和志。寰宇記。卽唐宋資官縣治。而金石井轉有資官廟。其粟主曰勅賜秦鐵騎土主牟大尊神。不能通其故也。川主廟。咸豐時建。五皇廟。萬歷間建。文昌宮。清設思文義學。二郎廟。萬歷間建。大佛寺。嘉靖間建。普濟寺。鋪南三里。嘉靖間建。光緒三十年。設學堂。毛家廟。距鋪四里。隆合寺。縣西七十里。千佛巖。縣西八十里。豔陽洞。縣西八十五里附近。卽桐麻寺。

榮縣志

社祀第十一

三

卷之十一

界。龍鶴庵。萬歷九年建。萬年臺。萬歷十三年建。照覺寺。界。犍爲。

劉家場。廣教寺。縣西百里白象山。明成化中建。萬歷十四年。更名雲龍庵。康熙按察使胡昇猷更名廣教院。明敘州通判趙遠有詩。近香宋集有張璽方約游廣教寺。卻寄云。古寺招遊歲事闌。亦思隋縣攷咨官。幾人史志心能了。百里鄉程老畏寒。西望鐵山橫碧落。近宜銀杏護朱欄。春風儻到談經所。便作珠林法苑看。注璽方治佛乘。能研法相宗。寺有銀杏。中空藏蟬。殆數百年樹矣。東嶽廟。一名梓潼觀。舊設玉成義學。川主廟。穀王廟。關



帝廟。機仙廟。酪然公。萬壽宮。均在場。文昌宮。金鼇寺。玉皇堂。仙佛巖。觀音閣。新寺。白鎮庵。石廟。八角廟。蓮花寺。周端寺。距瓦滓灘二十里。清初。里人伐樹得碑。有周端字。故名。

興聖寺。縣西百二十里。清王椽山詩。一徑松風好。小祠花氣多。開尊承北海。友人餞送留帶愧東坡。是事隨雲去。懷人奈月何。山僧勤過我。然燭誦維摩。

百福祠。嵌縣北麟崖之半。咸同間。里人集成之。阿含經。菩薩百大劫中。一一各種一百福。感莊嚴相。名宜以此。趙熙游麟崖云。三面懸崖。一面坡。若門圓頂。肖銅鑼。來

榮縣志

社祀第十一

三

川文入。三

龍隔縣陵陽界。怪鳥呼風臭水河。平地測高知幾里。晴天瀉翠見三波。餘生倦說彭咸則。老上靈山一放歌。三覺堂。由翠筆峯入。宋碑存焉。三覺者。本覺始覺究竟覺也。又稱三教。漸教頓教圓教也。

東川溝。三聖宮。咸豐時。左福彩捐店宇一闕。錢八百緡。請設東興義學。附近有高峯寺。縣北六十里。羅漢寺。縣北四十里。俗曰大度羅漢。興禪院。縣北五十里。

天堂寺。縣北五十里。明建。萬山環合。為全境第一大刹。門外一阜。曰木魚山。下卽懸崖。相傳行汲時。立多僧。手遞而上。其繁勝可想。張獻忠之亂。與地理寺僧駢誅和



尙灘。清咸同閒。寺復振。僧寮二百三十四間。規新都寶光寺而爲之。廖扶九多其榜題。然以其地僻。往往叢賊。寺僧弗能禁。或與締交。久則相習。光緒中。官以寺產歸公。筦而限僧數焉。二十八年。燬于火。遺礫滿山。國變後。趙熙紀游云。青山二百四房櫳。第一榮州古梵宮。粥鼓鐘魚歸劫火。兔葵燕麥立春風。壞廊經雨明碑盡。環海無塵佛力雄。人世興亡亦如此。起看天地亂雲中。

王家庵。去天堂五里而近。脚庵也。趙熙山行至庵云。洞然肝肺化青霞。半日經行畫不差。非雨非晴好天氣。有松有竹眾人家。亂山疲路欣逢寺。近水分秧坐聽蛙。若

榮

縣

志

社祀第十一

三

川文。上

問謝公今日屐。蟻縈苔島蝶穿花。

近仙庵。縣北六十里大刀砦。砦以宋寶祐五年建。石壁刻西湖字。其下井名西湖井。又有海眼字。南渡人心可閔矣。附近有倒坐廟。

萬壽寺。縣北六十里牛峯山。明定惠寺也。掘地得鐵版。知古爲雲臺山。趙熙題云。亂山青兕襍黃熊。浩浩千崖萬壑風。掌故斷從明代始。角圭藏在翠微中。平生熟路今初到。是處芳叇氣不同。老合華陽號真逸。仙人山是比鄰翁。

雙古墳。東嶽廟。宣統二年。合川主廟爲公所。舊設臨江



義學。南華宮。乾隆十八年建。萬壽宮。乾隆二十二年建。禹王宮。乾隆時建。興隆庵。明建。康熙六十一年重修。龍泉寺。舊作龍井寺。萬壽寺。近場。寶勝寺。俗名石塔寺。瀨河堤。仙聖庵。乾隆十九年。設社倉。順江寺。濱溪勝地也。鄭家廟。縣北七十里。觀音寺。縣北七十五里。寶光寺。縣北九十里。萬曆二十年建。

余家場。西禪寺。縣北六十五里。明正德八年建。乾隆重修。趙熙詩。一坳松樹西禪寺。半堤梨花下。溪田。卽此。呂家寺。在戈剡山。光緒三十一年。設學堂。趙熙題句云。蒼龍叫夜千松樹。白虎傳經兩漢人。峩峩峯寺。原名興佛庵。

榮縣志

社祀第十一

三

不川。三上

成化十四年建。康熙十八年。僧龍池重修。志發庵。縣北九十五里。俗名大石門。界井研。萬曆時建。

仙人山寺。縣北七十五里。唐寺也。崇禎十五年新之。崇禎之顛。奇壘森立。寺握其鍵。有鐵瓦塔。今廢。先朝刻石無量。皆俗蹟。如佛日仙風等語耳。國變後。趙熙至寺。寺僧烹茶。請題山門云。明月來投玉川子。曉雲遮徧仙人山。因紀長句。蒼龍瘦脊扶天飛。蛻骨靈山挂石扉。我是德雲前世住。仙朝珠館幾年歸。花籠古刻尋幽徑。天做羣峯壓大圍。若有人兮松際下。上清風冷五銖衣。

復興場。三聖宮。在場。祇樹庵。一名但家寺。嘉慶中。但姓



施業。有學堂。附近王家廟。一名朝陽府。袁家廟。界井研。觀音寺。在振勢山。萬靈寺。光緒十四年募建。妙覺寺。在石鳳山。萬歷時建。桐麻寺。縣北百里。萬歷三十五年建。朱家廟。在龍龜山。侏子寺。縣北百里。但家廟。一名雲臺府。崇禎二年建。

土地廟。處處皆是。是示非鬼。而通鑑載韋皋在蜀二十一年。蜀人服其智而畏其威。其薨也。家家祀為土神。沈括筆談。具言張詠前知蜀。人為之築廟。昔祀韋南康。今改祠張忠定。是蜀之土地。乃人鬼矣。

泰山石敢當。所以厭鬼也。愚俗畏鬼。凡意以為多鬼。則榮縣志社祀第十一  
命其地曰歹。立石為山魃形。號曰吞口。刻石敢當字。按急就篇。石敢當人名。顏師古言。所當無敵也。淮南畢萬術。埋石四隅。家無鬼。庾信小園賦。鎮宅神以藿石。今衝道及陰僻地。往往立石肖像。蓋本淮南意。

趙熙曰。祀者國之大事。禮家蓋詳言之。延及今日。匪惟淫祀滿野。卽朝廷所頒祀典。能立義者幾何。然祭法大夫以下成羣。立社曰置社。月令命民社。蓋古百家以上。其立一社曰里社。二十五家立私社。皆民社也。今凡邨聚神祠。或系會館。或當公所。其在古法。卽民社歟。國變二三年。有妄子意媚袁氏。據蜀發令。括



廟產。粥官地。烏呼妖孽也。神所恫也。

榮縣志

社祀第十一

三

廿五